

LEANO LA BOHLOPHISI



KA TSA LEANO

Ketapele

SABC e sheba botjha Leano la Bohlophisi la jwale la koporasi. Bamamedi le basebetsi ke ba babedi ba bathahaselli ba SABC ba ka sehlohong mme bukana ena e hlophiseditswe ho kgonahatsa seabo sa bona tshebetsong. Bukana ena e nehelana ka tjebokakaretso ya Leano la Bohlophisi ba jwale ka mokgwa wa Potso-le-Karabo ekasitana le ho qolla dintlha tse ding tsa dipuisano bakeng sa tshebetso ya tjebobotjha. Dintlha tsena tsa dipuisano ha di a etsetswa ho hanela dipuisano mme maikutlo dintlheng tsohle tsa leano a amohelwa.

Leano la bohlophisi ka ho phethahala ha lona le a fumaneha webesaeteng ya SABC, sabc.co.za, kapa ofising le ha e ka ba efe ya SABC.

Selelekela

P: Hobaneng SABC e na le Leano la Bohlophisi?

Ho latela Karolo ya 6(5) ya Molao wa Kgaso (o fetotsweng), SABC e lokela ho ntshetsa pele leano le tla netefatsa hore bohle ba ikobela Melawana ya Boitshwaro ya ICASA, maemo a laesense ya Koporasi, le se Laelwang ke Molao. Leano lena le lokela ho kenyeletsa leano la bohlophisi ba ditaba, le leano la mananeo, dikahare tsa lehae, thuto, diitsebeletso le phihlello ya kakaretso, puo, le bodumedi.

P: Sepheo sa Leano la Bohlophisi ke eng?

Leano le etseditse ho thusa basebetsi ba bohlophisi hore ba kgone ho sebetsa ka dintlha le diqeto tse boima tsa bohlophisi hore mananeo a ikgethang le a tshwanetseng ho ba teng – le hoja ka nako tse ding a baka dingangisano – a kgone ho etswa, ba ntse ba boloka maemo a phahameng ka ho fetisisa a boitshwaro le bohlophisi.

Bonneteng, leano le nehelana ka moralo oo ka ona basebetsi ba SABC ba nkang diqeto ka dikahare tse haswang meralong ya rona.

P: Na leano le sebetsa feela diitsebeletsong tsa radiyo le thelevishene?

Tjhee, leano le sebetsa dikahareng tsohle tsa SABC, le diitsebeletsong tsa bamamedi ba naha le ba matjhaba. Le ama diitsebeletso tsohle, ho sa kgathalehe hore ke tsa radiyo kapa thelevishene, tsa kenomoleng (online), tsa melaetsa e mekgutshwane (SMS) kapa selefounu, tse hlahiswang ke lefapha la SABC kapa khamphani e ikemetseng.

P: Leano la Bohlophisi le tobane le eng? Le teng, hobaneng?

Molao wa Kgaso wa 1999 (o fetotsweng) o laela SABC hore e ntshetse pele tse latelang:

- i. Leano la bohlophisi ba ditaba
- ii. Leano la mananeo
- iii. Leano la Dikahare tsa Lehae

- iv. Leano la tsa thuto
- v. Leano le akaretsang la ditshebeletso le phihlello
- vi. Leano la puo le
- vii. Leano la sedumedi

SABC e kgethile hore e kenyeletse tsohle tse ka hodimo Leanong la Bohlophisi la jwale. Ho feta moo, hape ho na le karolo e hlalosang Boromuwa ba Koporasi, bo akaretsang Makgabane a ka Sehloohong a Bohlophisi a SABC, Melawana ya Bohlophisi le phetisetso-pele ba Bohlophisi. Ho feta moo, leano la bohlophisi le kgethile dibaka ho ntshetsa pele leano le tobileng dintlha tse kgethilweng ha di ntse di hlaha, mme maamong ana ke Ditaba le Merero ya Jwale, se ntsheditse pele leano lena le ekeditsweng le latelang le ananetsweng ke Boto ya SABC:

- Ditataiso tsa leano tshebedisong ya ba hlalisang maikutlo le basekaseki.
- Leano tlalehong ya mapato a mmuso
- Leano tlalehong ya toka nakong ya dikgetho tsa naha

P: Hobaneng SABC e sheba botjha Leano la Bohlophisi?

Leano la Bohlophisi le totobatsa hore leano le lokela ho shejwa botjha nako le nako. Ho feta moo, ka ha Leano la Bohlophisi le kentswe tshebetsoeng la pele ka 2004, diphetoho tse bileng teng mererong ya kgaso ke tse nang le sekgahla hodima mokgwa oo diqeto tsa dikahare di nkwang ka ona – sena se ama leano la bohlophisi mme tjhebobotjha e hloka ho netefatsa hore Leano la Bohlophisi le bontsha diphetoho tsena, ha le ntse le nehelana ka maemo a kgonahatsang hore basebetsi ba phethahatse thomo ya Kgaso ya Bohle.

P: Tjhebobotjha e tsamaiswa jwang?

Leano la qalong e bile sephetho sa ditherisano tse nkileng dikgwedi; tjhebobotjha ena e tla latela tshebetso e jwalo – ho tla ba le dikgokahano tse batsi le basebetsi ba SABC hammoho le batho setjhabeng. Ho tla ba le ditsheko tsa setjhaba provenseng ka nngwe mme bamamedi ba rona le bona ba tla ba le monyetla wa ho nka seabo ka mananeo a radiyo, thelevishene, le tshebediso ya mekgwa e kenyeletsang bohle, jwaloka facebook le webesaete ya SABC.

Boiphihlelo ba SABC ka leano la jwale la bohlophisi le bona bo tla tataisa tjhebobotjha; thuso ena e tla fumanwa hape ho tswa dithutong tse ding tseo SABC e di fumaneng dikgasong tse ding tsa bohle, tseo bongata ba tsona di seng di na le Leano kapa Tataiso ya Bohlophisi.
Editorial Policies or Guidelines in place.

Tjhebobotjha: Dithla tse akaretsang Phathahatso:

Nakong ya dipuisano tsa selekela tsa tjhebobotjha, ho bile le dipelaelo mabapi le phethahatso e tswelang ya Leano la Bohlophisi kahara SABC. Maemong ana, na ho a hlokeha ho kenyeletsa dipolelwana tse itseng leanong la bohlophisi ho netefatsa hore di a latelwa e bile di phethahatswa koporasing ka bophara?

Kgohlano pakeng tsa Phumantsho ya ditjhelete tsa kgwebo le Kgaso ya Bohle:

Ka tsela e kang ke e ikgethang bakeng sa mohasi wa bohle, SABC e fumaana boholo ba lekeno la yona ho tswa lekaleng la bohwebi – haholoholo mesebetsing ya papatso ya bohloholo. Hona ho bolela hore SABC e tlasa kgatello ya diphepetso tse ngata tse makatsang kgahlanong le bokgoni ba yona ba ho phethahatsa thomo ya yona ya kgaso ya bohle, mme bongata ba diphepetso tsena bo na le sekgahla ka mokgwa o otlohlileng hodima tshebetso ya diqeto tsa bohlophisi. Leano la Bohlophisi ekaka ha le arabele tsamaiso ya kgohlano ena e ka bang teng ka lebaka la ho kgatsofatsa ditlhoko tsa thomo ya bohwebi le ya bohle.

- na ho na le tsela eo ka yona leano le ka etsang sena?

Diketsahalo tsa thekenoloji:

Diketsahalo tsa thekenoloji tse amang bamamedi tseo e leng tsona tse ka sehloohong, ho latela leano la bohlophisi, ke:

- Qalo le ho hola ho tswelang ha mekgwa ya kgaso ya batho (social media).
- Phetoho e atametseng ya moralo wa tsamaiso ya kgaso wa analoko ho isa ho moralo wa tsamaiso ya kgaso wa dijithale.

Diboloko, diboloko tse nyenyane, baahi ba ditaba le meralo ya batho (social networks) ke mekgwa ya kgaso ya batho eo e leng yona e belaeatsang bakeng sa Leano la Bohlophisi mme, hara seo, ho na le dibaka tse nne tse hlohang ho elwa hloko bakeng sa Bohlophisi

Tjhebobotjha:

- Tshebediso dibaka tsa mekgwa ya kgaso ya batho ho ba mehlodi ya lesedi. haholoholo ha ho shejwa merero ya ditaba. Ena ke ntlha e ka sekasekwang haholwanyane ho Karolo ya Ditaba le Merero ya Jwale ya Leano la Bohlophisi
- Tshebediso ya meralo ya mekgwa ya kgaso ya batho ke basebetsi ba SABC maemong a bona a botho. Mohlomong ho ka hlokeha hore ho etswe phapang pakeng tsa basebetsi bao setshwantsho sa tsona se tlwaelehileng se lomahantsweng ka tsela e keneletseng le SABC. le bao ho seng jwalo ho bona.
- Tshebediso ya meralo ya SABC ho phahamisa dibaka tsa mekgwa ya kgaso ya batho ba bang le yona e hloka ho shejwa botjha
- Tsamaiso ya dikateng tse hlahisitsweng ke basebedisi, jwalo ka maikutlo a sa hlahelleng hantle maqepheeng a webesaete a mekgwa wa boloko.

Le hoja sekgahla sa Thelevishene ya Lefatshe ya Dijithale (DTT) se so utlwahale, se tla ba le boima bo bohloohadi ho dikahare tsa thelevishene kamoso. Matla a moya (bandwidth) a eketsehileng (ao) a tla kgonahatsa kgaso ya dikanale tse ngata ka ho fetisisa, mme tekolo e tla hloka ho etswa ka hore na phetoho ena ya matla e tla ba le sekgahla hodima Leano la Bohlophisi. Kgakolo e atametseng ya DTT le yona e kganna leano le tjhebobotjha ya taolo e hlohang ho nkelwa hloohong ha ho sejetswa ka leano.

Leano la Jwale: Thomo

P: Makgabane a bohlophisi a ka sehloohong a SABC ke afe

Tekatekano – SABC e nehelana ka mananeo ho bohle, ka maleme ohle a semmuso, mme e phahamisa phihlelo e akaretsang ya ditshebeletso tsa yona.

Bolokolohi ba Bohlophisi – SABC e laolwa ke Tjhata ya Koparasi, e fupereng bolokolohi ba boqopotsi, ba boiqapelo le ba mananeo hara basebetsi ba koparasi, hammoho le

bolakolohi ba maikutlo bo sireleditsweng tlasa mola o wa motheo.

Kaho ya Setjhaba – SABC e keteka boitsebiso le meetlo ya naha ya Afrika Borwa, mme e nehela baahi ba yona leledi leo ba le hlohang ho nka seabo kahong ya demokrasi ya rona.

Phapano – SABC e bontsha phapano ya mame, meetlo, diprovense le batho ba Afrika Borwa mananeong a yona.

Seriti sa Botho – SABC e hlomphe seriti sa botho se keneletseng sa Maafrika Borwa ohle, e ba bontsha ka phapano ya bona ka ho phethahala, mme ha e sebedise puo kapa ditshwantsho tse bontshang mehopollo ya kgopolongwe kapa ya leeme ka merabe, meetlo kapa bong Afrika Borwa.

Boikarabelo – Ho phethahatseng boikarabelo ba bona ba Bohlophisi, batsamaisi le basebetsi ba SABC ba ikarabella ho Boto ya SABC, e leng yona e netefatsang hore SABC e ikobela Tjhata.

Ponaletso – SABC e netefatsa hore makgabane a botshepehi, tlhokeho ya makunutu le ponaletso di laola dintlha tsohle tsa dikamano tsa yona le Mong'a Diabo, bathahaselli, bafepedi le bohle.

P: Hobaneng re hloka makgabane ana a ka sehloohong a bohlophisi?

Makgabane, a itshetlehlile ho a tobokeditsweng Molaong wa Motheo — ho kenyeletswa ntshetsopele ya setjhaba, kopano, phapano, tlhokeho ya bomorabe, tlhokeho ya phapanyo ho ya ka bong, demokrasi le seriti sa botho — tsohle di emetse dintho tsohle tse atisang ho nkwa ke Maafrika Borwa di le tsa bohlokwa. Di kopanya batho ba fapaneng ka sepolotiki, maemo, bomorabe le bong, mme le hoja re sa le qalong ya projeke ya rona ya ntshetsopele ya setjhaba, tsena ke tsona tse re tsitsisang jwalo ka setjhaba. Ka hoo, he, bakeng sa mohasi wa bohle, di lokela ho ba motheo wa leano la hae la bohlophisi.

Tjhebobotjha: Makgabane a Bohlophisi

- Na makgabane ana a dula a ntse a tshwanetse ho bohasi ba bohle maemong a naha ya ntshetsopele?
- Na ho na le makgabane a siilweng, na ho na le makgabane a jwale a lokelang ho hlakolwa kapa ao dikahare tsa ona di lokelang ho fetolwa?
- Tla ho eketswa dintlheng tse hlalositsweng ka hodimo, ho na le hape tlhokeho ya hore makgabane a hlaloswe le hore a sebedisehe

P: Na Melawana ya Bohlophisi ke eng?

Melawana ya Bohlophisi e ntsheditse pele ke Boto ya SABC ka 1993 mme ya ntjhafatswa hore e be karolo ya Leano la Bohlophisi ka 2003. Melawana e tswetswe ke Makgabane a Motheo mme ya re hoba e ntjhafatswe ka 2003, e ile ya kenyeletsa diketsahalo tse latetseng tsa molao. Maamong a yona a jwale Melawana ya Bohlophisi e na le dipolelwana tse leshome le metso e mehlano, eo borobedi ba yona e tobaneng feela le Ditaba le Merero ya Jwale, e tsheletseng e tobane le mefuta yohle ha e mmedi e tobane feela le mananeo. Dintlha tse hlalisoang Melawaneng di hlalisoa hape le ho dikarolo tse loketseng tsa Leano la Bohlophisi.

P: Na 'Phetisetso Pele' e bolelang?

Phetisetso pele ke tshebetso ya boithaopo eo ka yona basebetsi ba bohlophisi ba rerisanang le baakamedi ba bona ka diqeto le ha e ka ba dife tsa bohlophisi tseo ba se nang bonnete ka tsona. Ha ho ka hlaha bothata bofe kapa bofe nakong ya tlhahiso ya mananeo le/kapa taolo ya bohlophisi, kapa mohlaliso wa lenaneo kapa mohlophisi ya laelang a ka hloka bonnete bo phethahetseng ka eng kapa eng, ba lokela ho rerisana le baakamedi ba bona ho fumantshwa tataiso. Tshebetso ena ya phetisetso pele ya boithaopo e akaretse le Mohlanka e Moholo wa Phetahatso wa Sehlopha, maamong a hae jwalo ka mohlophisi-e-moholo. SABC e nka phetisetso-pele e le tshebetso e matlafatsang, e hlokomelang le a ntshetsang pele basebetsi bohle ba amehang. Ha se maikemisetso hore e fetisetse pele diqeto tsa bohlophisi; empa ke maikemisetso hore ha ho hlokeha e tshetsetse diqeto tse kopanetsweng le boikarabelo ba kopanelo ba bohlophisi – haholoholo tlasa maemo a diqeto tse boima – le ho toboketsa hore botshepehi ba koporasi bo sebeletsana le ba basebetsi ba bohlophisi. Hape ha se maikemisetso a yona hore phetisetso-pele e hanele tlhahiso le kgaso ya mananeo a bakang dikgohlano le a tlamang hore a haswe; empa ke ho hlalisoa le ho LAELA mananeo a jwalo, ha ho ntse ho bolokwa maemo a phahameng a boitshwari le a bohlophisi.

P: Na ho na le merero le ha e ka ba efe e lokelang ho fetisetwa pele?

Ho na le dintlha tse itseng tseo e reng ha di rarollwa ke basebetsi ba bohlophisi di lokelang ho fetisetwa pele. Tsena di ka kenyeletsa ditherisano

le disenyi kapa batho ba batlwang ke mapolesa, le ho bontsha kapa ho kenyeletsa batho kgasong ka ho otloloha bakeng sa boithabiso ho sebediswa dikamera tse patuweng. Ka kakaretso, ho na le mehlala e leshome le metso e mene, e lenaneng le tokomaneng ya Leano la Bohlophisi, eo ho tlamang hore e fetisetse pele.

Tjhebobotjha: Melawana ya Bohlophisi & Phetisetso Pele

- Ho a hlokeha hore ho laelwe hore ke tlasa maemo afe phetisetso pele ho tlamehang hore e be teng mme, ha ho le jwalo, na lenane le bontshitsweng ho Leano la Bohlophisi le loketse kapa ho na le dintlha tse lokelang ho hlakolwa kapa ho eketswa lenaneng leo?
- Na ho a tshwanela hore Mohlanka e Moholo wa Phethahatso wa Sehlopha a be Mohlophisi-e-Moholo, ha ho se jwalo ke mang ya tla nka boikarabelo qetellong bakeng sa Dintlha tsa Bohlophisi (Editorial Content), mme boikarabelo boo bo phethahatswa jwang.

Leano la Jwale: Tlhophiso ya Mananeo

P: Ke leano le ditlhoko dife tsa taolo tse laolang dikahare tsa mananeo a SABC?

- Tjhata
- Makgabane a Motheo a Bohlophisi a SABC
- Melawana ya Tshebetso ya Bohlophisi ya SABC
- Tshwanelo ya SABC ya ho ikobela maemo a indasteri. Melawana ya Boitshwaro ya Bahasi, e leng se laolang ke BCCSA.
- Tshwanelo ya SABC ho ikobela maemo le melawana ya laesense a ICASA

P: Na ho na le makgabane le ha e ka ba afe a tataisang tlhophiso ya mananeo a SABC?

Mokgwa wa SABC tlhophisong ya mananeo o tataiswa ke makgabane ana a latelang:

- Mananeo a tshetswa ke makgabane a motheo a bohlophisi a SABC. Makgabane ana a tshwaetsa tlhahiso, taelo le phumano ya mananeo ohle a yona.

- SABC e leka ho nehelana ka dintlha, thuto le boithabiso bo bontshang phapano ka mefuta le meralo e fapaneng, eo ho yona bohle ba ka fumanang ho hong hoo ba ka bang le thahasello ho bona dinakong tse ding
- Jwalo ka mohasi wa bohle wa naha ke tokelo ya SABC ho kgothaletsa ntshetsopele ya pontsho ya ho ba Moafrika Borwa. Ka hoo, e bontsha talente ya Moafrika Borwa, e tshehetsa moetlo wa Afrika Borwa, mme ke sepheo sa yona ho ntshetsa pele mananeo ao ho bonalang hore ke a Afrika Borwa.
- Ke sepheo sa SABC ho bontsha maemo a bophelo a Moafrika Borwa jwalo ka baahi ba lefatshe ka bophara, le ho ba tlisetsa mananeo a ka sehloohong ho tswa lefatsheng lohle.
- Ha ho shejwa nalane ya rona, le hore Afrika Borwa ke karolo ya Afrika, SABC e bona e le boikarabelo ba yona ho leka ho emela Afrika le dipale tsa Afrika ka tsela ya toka le e bontshang phapano.
- Bolokolohi ba maikutlo bo setsing sa tlhophiso ya mananeo a SABC.
should find something of interest some of the time

P: Hobaneng re lokela ho nehela babohi tlhokomediso e lekaneng ka dikahare tsa mananeo?

Tlhophiso ya hloko le tlhokomediso kapa keletso a loketseng e dumella setjhaba sa habo rona ho ikgethela ka tsebo seo ba ka ratang ho se bona kapa ho se utlwa. Tshebetso ena ha e sitise boikarabelo ba bohlophisi ba SABC le hanyenyane, empa e tsitsisa moetlo wa tlhopho ya tokoloho ya maikutlo, le tokelo ya ho amohela le ho nehelana ka lesedi.

P: Ke matshwao afe a fapaneng ao re a sebedisang bakeng sa tlhokomediso?

Melawana ya Boitshwao ya Bahasi e re laela ho nehela babohi keletso tse hlakileng hore ba tle ba ikgethele ka tsebo seo ba ka batlang ho se bona kapa ho se utlwa; kapa ho dumella bana ba bona ho se bona kapa ho se utlwa. Tsena di kenyeletsa matshwao a dilemo (13, 16, 18), le matshwao a dikahare – tlhekefetso (V); boitshwao ba thobalano e hlakileng (S); ho tsola (N); puo e silafetseng, ho kenyeletswa le puo e sa hlompheeng (L); le leeme (P).

P: Hobaneng mananeo a mookotaba wa batho ba baholo a haswa ka kgitla?

Nako ya karolo (21:00 – 05:00) ke yona nako eo kamora yona ho ka bontshwang thelevisheneng ditaba/dinthe tse amang batho ba baholo. Pele ho nako ena ya karolo, dinthe tse sa lokelang bana ha di a tshwanela ho bontshwa. Karolo e laolwa ke Melawana ya Boitshwaro ya Bahasi mme ditlolo di ahlolwa ke BCCSA.

P: Na ho na le nako ya karolo bakeng sa radiyo?

Le hoja Melawana ya Boitshwaro ya Bahasi e sa totobatse nako ya karolo bakeng sa radiyo, SABC e latela polelo ya hore diteishene ha di hase dinthe tse sa lokelang bana ka dinako tseo bana ba ka etsang boholo ba bamamedi. Mohlala, diteishene di lokela ho ela hloko hore bana ba ka mamela radiyo nakong eo ba yang kapa ba kgutlang sekolong.

P: Ke etsang ha lenaneo le na le puo e sa hlomphe?

Melawana ya Boitshwaro e re puo e ditshila, ho kenyeletswa le e sa hlomphe le dinthe tse ding tse amang maikutlo a sedumedi, ha e a lokela ho sebediswa mananeong a hlophiseditsweng bana feela. Ho feta moo, le hore ho se be le puo e ka sitelwang ba bang ka tsela e feteletseng e ka sebediswang pele ho nako ya karolo thelevisheneng, kapa ka dinako tseo ho tsona bana ba bangata ba ka lebellwang ho ba babohi.

Leano la SABC la Tlhophiso ya Mananeo le ananela hore le hoja puo e sa hlomphe e fetohile tsela ya letsatsi le letsatsi ya ho buisana, mme ka hoo e atisang ho sebediswa thelevisheneng, e sitelwa babohi ba bangata. Ka hoo, SABC e leka ho sebedisa letshwao la tlhokomediso la "L" haholo ha puo e sa hlomphe e le teng, ho fokotsa tlhekefetso ya maikutlo ho bamamedi ba ka sitelwang. Ditataiso tse latelang tsa BCCSA le tsona di ka sebediswa: • Bakeng sa terama kapa nahelano ya nnete, ntle le ha maemo a mpefatsang a le teng, ho sebedisa Lebitso la Morena lefela ho ka ba teng difilemeng tsa sehlooho tse bontshwang kamora nako ya karolo ke dibapadi kapa batho ba bontshwang kgasong, ha feela ho bile le tlhokomediso e tshwanetseng ya puo, le kganelo e tshwanetseng ya dilemo. • Nakong ya babohi ba lapa, mantswe ao a lokela ho hlakolwa ha ho kgoneha ho etsa jwalo. Ketsahalo e jwalo ka makgetlo a mangata ha e dumellwe. • Ha banehi

ba sebedisa puo e jwalo ka tsela e somang bamamedi – le hoja hona ho ka ba kamora nako ya karolo – ke tlolo ya Melawana ya Boitshwara.

P: Melawana e reng ka seabo sa rona mabapi le tshebediso ya puo mananeong?

Mohasi wa bohle ke mohlodi wa bohlokwa wa lesedi le moetlo, mme a ka tshwaetsa maemo le makgabane ka tshebediso ya hae ya puo. Ka hoo, SABC e lokela ho boloka maemo a phahameng a bokgabane tshebedisong ya puo. Ditataiso di ka tsela e latelang: • Ho se sebedise puo feela ka lebaka la molemo wa yona wa ho tshosa • Ho se sebedise puo e sa hlomphele le ka mohlala ntle le lebaka • Ho se fedise tshebediso ya puo e mpe mananeong, empa ho e dumella feela ha ho amoheleha ho latela maemo le nnete • Hore tshebediso ya puo e ele hloko maikutlo a sedumedi.

P: Na leano la SABC la kgethollo ho ya ka bofokodi ke lefe?

SABC e ela hloko hore dihlopha tsa ba holofetseng ba atisa ho utlwa eka ba qhelelwa thoko, le hore ke tokelo ya mohasi wa bohle ho phahamisa phihlello ya ditshebeletso le mananeo a yona bakeng sa dihlopha tsena tsa babohi le ho netefatsa hore ponahatso ya batho ba holofetseng mananeong a rona ke ya toka. Ka hoo, SABC mananeong a yona e sebedisana le batho ba holofetseng ka tlhomphele, mme re ikemiseditse ho bontsha dintlha tsa bofokodi ka tsela e sa bontsheng ho phehella ka kgopolonngwe e mpe e hlekefetsang ka batho ba holofetseng. Hape re ikemiseditse ho fuputsa ditsela tsa ho ntlafatsa phaello ya ditshebeletso ho batho ba holofetseng. Moo ho kgonehang, re sebeletsa hape ho kenyeletsa batho ba holofetseng mananeong a jwalo.

P: SABC e etsang mabapi le ho thibela tlhekefetso kgahlanong le basadi?

Leano la Bohlophisi la SABC le bolela ka ho toba hore difuperweng tsa mananeo, ha di shejwa maemong a tsona, ha di kgothaletse tlhekefetso kgahlanong le basadi, ha di bontshe basadi jwalo ka ha eka ke mahlatsipa a maetswa a tlhekefetso le tlatlapo, ha di theole seriti sa basadi le ho nyenyefatsa seabo le seemo sa bona setjhabeng, ha di phahamise leeme

la bong le tlhokeho ya tekatekano ya bong, mme hape ha di tiise kगतello le kgopolongwe ya bong.

P: Ho amohelaha tlasa mabaka afe hore ho bontshwe dibaka tse nang le tlhekefetso thelevisheneng?

Melawana ya Boitshwara e laela ditlhoko tse boima tsa hore tlhekefetso e ka haswa neng kapa tjhee. Ho eketsa moon, Leano la Mananeo la SABC le bolela hore dibaka tse nang le ditshwantsho tsa tlhekefetso di ka haswa feela ha ho hlokeha ho bontsha ditaba kapa maemo a tshwanetseng.

Ka hoo SABC e na le tshwanelo ya ho se etse mofuta wa tlhekefetso le ha e ka ba ofe hore o bohehe eka o motle, kapa ho o phahamisa, ho o bontsha feela ha ho ka thusa ho bontsha pale, ho hlalisa maikutlo a kgauhelo, ho kgothaletsa thuso, kapa feela ho ba pontsho e nepahetseng ya diketsahalo tsa nnete. Ha feela di sebediswa, ditlhokomediso tsa babohi di a hlokeha. Sepheo sa SABC ha se ho bona hore ke tlhekefetso e kae e ka tiiselwang, empa ke hore ke tlhekefetso ya bonyane bo bokae e hlokehang ho fihlella sephetho sa nnete ntle le tharollo ya ntlhapedi e makatsang kapa ya bohlophisi e sa hlokehang.

P: Na Leano la Bohlophisi le sireletsa tokelo ya seriti le lekunutu?

Melawana e laela disebediswa tsa elektroniki ho ela hloko haholo le hloko ditabeng tse amang maphelo a batho le se mehopolong ya batho, ho hopolwa hore tokelo ya lekunutu e ka hlolwa ke se tshwanetseng bohle e le ka nnete. SABC e lebelletse hore diqeto tsa mofuta ona di nkwe ho hlokomelwa ka toka makgabane a Koporasi.

P: Ke mang ya nkang qeto ka hore bana ba bonang kapa ba utlwang?

Bahasi ha ba a dumellwa ho hasa ditaba tse sa tshwanelang bana ka dinako tseo ka tsona ba bangata ba bona ba ka lebellwang hore ebe ba mametse. Le ha ho le jwalo, boikarabelo bo ho batswadi hore ba nke diqeto ka seo bana ba bona ba dumelletsweng kapa ba sa dumellwang

ho se bona, ha feela re ka phethahatsa tlamo ya rona ya ho bontsha ditlhokomediso tse ba dumellang ho nka qeto ena.

P: Ke utlwile hore ho hanela fileme ha ho molaong. Na sena ke nnete? SABC e sebetsa jwang ka sona?

Kganelo, ka moo e neng e le tshebetsong nakong tsa mehleng, moo e neng e le feela ditabatabelo tsa bonyane tse neng di tsotellwa, ha e sa dumellwa ke maemo a matjha a Molao wa Motheo wa Afrika Borwa, ao ho ona ho nang le dikganelo tse mmalwa feela tsa bolokolohi ba mehopolo. Ho dumella bamamedi hore ba ikgethele, boikgethelo ke ho nehelana ka ditemoso moyeng ho ba dumella ho etsa diqeto tse jwalo. Ka hoo, e dula e ntse e le tokelo ya motho ka mong ho nka qeto ya hore o tla sheba eng le ho laola seo bana ba ka se shebang.

P: Re sebetsa jwang ka dipelaelo tse tswang ho bohle ka kgaso ya rona?

Dipelaelo tse tswang ho babohi tse fihlang ho SABC mme di ama dintlha tsa leano, kapa ho latela Melawana, di rarollwa ke Ofisi ya Motsamai: Tatelo Kgase. Ha dipelaelo tse jwalo di fumanwa ke ditjhanele kapa diteishene, kapa lefapheng le leng le ha e ka ba lefe, di lokela ho fetisetwa ofising eo ntle le tshenyiso ya nako. Leano la SABC ke ho sebetsana le pelaelo e nngwe le e nngwe e tjena. Karabelo e ka hlophiswa ka ho rerisana le - kapa ho fetisetwa hang-hang ho - botsamai ba tjhanele/seteishene se tshwanetseng, kapa hlooho e loketseng ya Ditaba tsa SABC. Ditshebeletso di lokela ho nka boikarabelo ba dipelaelo tse amang ditshebeletso tsa bona.

P: Na SABC e laola se ka bapatswang ditshebeletsong tsa yona?

Ee, ha ho shejwa hore SABC e ikobela melawana e beilweng ke Lekgotla la Afrika Borwa la Taolo ya Maemo Dipapatsong. Lekala la Thekiso le Bokgoni ba Thekiso le lona le na le tokelo ya ho amohela kapa ho hana dipapatso tse sa nkweng di sebeletsa bohle kapa tse hanyetsanang le Leano la Bohlophisi la SABC ka bolona.

P: Tataiso ke efe mabapi le tshebetso ya kgopolonngwe?

Re tshepisa ho kenyeletsa mananeong a rona ditshwantsho tseo e seng tsa kgopolonngwe ka batho ba holofetseng, basadi, batho ba batsho le ditabane, le ka Mafrika Borwa le ha e le afe a mang a atisang ho qhelelwa thoko ke disebediswa tsa ditaba tse ka sehloohong, kapa ba hlaliswa ka mokgwa o se nang bobatsi kapa o bontshang kgopolonngwe. Leano la SABC le ka mokgwa ona o latelang: 1. Ho sebedisana le karolo le ha e le efe ya setjhaba ka tlhompho. 2. Ho se kgetholle batho feela ka setso sa bona sa moetlo, le ho supa mmala feela ha ho loketse sehlooho sa dipuisano 3. Ho qoba ho supa bohole ha ho sa hlokehe, ka ha ho atisa ho bonwa e le thohako kapa ho bontsha ho se felle, le ho se sebedise puo e ka phaellang moeelong oo: mohlala, "ho se utlwe" kapa "ho utlwela thateng" ho ka sebediswa, le "motho ya nang le bofokodi" bakeng sa "seqhwalwa" kapa "seritsa" kapa "sehole" 4. Ho sebedisa puo e sa bontsheng bong hore ho se be le mohopolo wa tshitelo, kapa - ka lebaka la ho phetapheta - ho hlalisa mohopolo wa hore dintho tse ding di ama bong bo itseng feela.

Tjhebotjha: Tlhophiswa ya Mananeo

- Na tse ka hodimo di sa tshwanetse, na ho na le dibaka moo mokgwa wa kganelo e fokotsehileng kapa e kgolwanyane o ka sebediswang?
- Dibakeng tse mmalwa - jwalo ka leano le amang tlhekefetso le thobalano le ho tsola ho hlakotswe e le ka nnete Melawaneng ya Afrika Borwa ya Khomishene ya Ditletlebo tsa Bohasi. Ha tsena di ka kenyeletswa leano, moo e ka kenyeletswang, e leng se tla hlola, na ho hlokeha hore ho tliswe phetoho melawaneng eo polelwana e tswang ho yona?
- Na karolo ena e tshwanetse ho le hokae bakeng sa ditshebetso tsa kenomoleng kapa tse ding tseo e seng tsa tlwaelo?
- Karolong ena, ekasitana le Ditaba le Meroro ya Jwale, ho na le maikemisetso a ho fihlella boemedi bo kgotsofatsang ba bong - le ha ho le jwalo, ho maikemisetso ana ka bobedi ha ho a hlalosang kutlwisiso ena, mme hape ha ho a nehelanang ka tataiso ya ho fihlella kutlwisiso eo.
- Boholo ba karolo ya mananeo ke dikganelo - na ho hlokeha hore ho be le tjhebo e kgolwanyane ho se lokelang ho etswa, le hore sena se ka phethahatswa jwang?

Leano la Jwale: Ditaba

P: Na GCEO o na le taolo ya Ditaba le mananeo?

Seabo sa Mohlophisi-e-Moholo ke karolo e le nngwe feela ya boikarabelo boo GCEO a bo amohelang le bo sa hlokeneng ho ferekanngwa le mesebetsi ya Dihlooho tsa Radiyo, Thelevishene, Ditaba, Dipapadi le Thuto kapa Bahlophisi ba bang le Batsamaisi ba Ditjhanele le Diteishene ba sebeletsang SABC. Seabo sa GCEO ha se ho hlophisa mananeo a letsatsi le letsatsi kapa diqeto phapusing ya ditaba. Le ha ho le jwalo, Boto ya SABC e aba boikarabelo, mme e jarisa GCEO boikarabelo ba ho phethahatsa mesebetsi yohle ya ditaba le mananeo a mang, a haswang le ho nehelwa ditshebeletsong tsohle tsa SABC tsa radiyo, thelevishene, inthanete le tse ding.

Tjhebobotjha: Ditaba

- Na tse ka hodimo (& dipolelwana tse ding) tse leanong di sa tshwanetse. mme ke hakae moo ho lokelang hore ho etswe diphetoho?
- SABC e se e bonwe molato bakeng sa ho tlaheha ka leeme: na ho na le dintlha tsa leano tse ka sebediswang ho rarolla sena?
- Maemong a dipelaelo tsa kamoo SABC e tlahehang ka boyona e tjametswe ke ditsekiso. na Leano la Bohlophisi le ka ralwa jwang hore basebetsi ba fuwe matla ho tlaheha ka SABC ka botlalo le ka toka?

Leano la Jwale: Leleme

P: Tshepiso ya SABC ke efe mabapi le ho hasa ka maleme ohle a semmuso?

Tshepiso tse ka sehloohong ke:

- Ho nehelana ka mananeo a fapaneng a ikgethang, a boiqapelo le a boleng bo phahameng ka maleme ohle a 11 a semmuso potefoliong yohle ya radiyo le thelevishene, le ho sebeletsa ho bontsha ditlhoko tsa baahi ba leleme le le leng kae kapa kae tlhophisong ya mananeo a rona
- Ho dula ho na le ditshebeletso tsa radiyo tse ikgethang le tse fapaneng ka leleme le leng le le leng ho a 11 a semmuso
- Tshwara maleme ohle a semmuso ka tekatekano ditshebeletsong tsa rona tsa thelevishene
- Ho nyalanya Puo ya Mmele ya Afrika Borwa le kgaso e le tsela ya ho etsa hore tlhophiso ya mananeo e fihlellwe ke batho ba nang le bofokodi ba ho utlwa
- Ho sebeletsa ho kenyeletsa maleme a mang ao

e seng a semmuso a buuwang Afrika Borwa, haholoholo maleme a Khoi, Nama le San.

P: Boemo ba rona ke bofe mabapi le maleme ao e seng a semmuso le puo ya mmele?

SABC e ikemiseditse ho nehelana ka mananeo a radiyo a boleng bo phahameng ka maleme a Afrika Borwa ao e seng a semmuso, haholoholo maleme a Khoi, Nama le San. SABC e dula e ntse e atolosa lenane la mananeo a tolokuwang ka puo ya mmele, ho qalwa ka ditaba le merero ya jwale e kgethilweng, le diketsahalo tsa bohlokwa setjhabeng. Boikgathatso bo ikgethang bo a etswa ho nehelana ka phetolelo ya Puo ya Mmele ha mananeo a hatiswa kapela babohi ka ho otloloha.

P: Na ho tshwara maleme ka “tekano ya toka” ho bolelang?

Ho tshwara maleme ka tekano ya toka ke ho sebetsa ka ona ka tsela ya toka e se nang leeme le e kgotsofatsang — e seng hore maleme a a lekana.

Maemong ana, sepheo sa SABC ke ho hasa maleme ohle a semmuso thelevisheneng, ha e ntse e netefatsa hore mananeo a fihlelleha ho babohi ba bangata ka ho fetisisa. Re ikemiseditse ho ntlafatsa tshebeletso ya naha ya rona ya thelevishene ka ho nehelana ka ditshebeletso tsa setereke jwalo ka ha ho laelwa ke Molao wa Kgaso, (o fetotsweng) tlasa maemo a hore ICASA e nehe ditshebeletso tsena laesense le hore di fumantshwe ditjhelete ke Palamente. Tekano ya toka e fihlellwa ka ho kopanngwa ha mekgwa, ho kenyeletswa ditlahiso tsa puo e le nngwe le mananeo a malemo a mmalwa. Re sebeletsa ho fuputsa tshebediso ya dithekenoloji tse kang tlhaloso ka mongolo ho tiisa hore mananeo a fihlelleha ho babohi ba bangata ka ho fetisisa. Ka dinako tse ding, sepheo sena se phethahatswa ka kattleho ka ho hasa ka maleme a nyalanang kapa a utlwisiswang ka bobatsi. Ha sena se phethahatswa, SABC e fetofetola tshebediso ya maleme sehlopheng le ha e ka ba sefe se utlwanang ka sepheo sa ho fihlella tekano ya toka.

P: Tshebetso ya rona ke efe ka kgaso ya maleme a mmalwa?

SABC e ela hloko seabo sa mananeo a maleme a mangata phahamisong ya tsebo le kutlwisiso ya phapano ya maleme le meetlo naheng. Mananeo a jwalo, ha a sebediswa ka boiqapelo, a fihlella hape babohi ba fapaneng. Ka tsela ena, SABC e kgothaletsa e le ka nnete tlhahiso ya mananeo a nang le moelelo a maleme a mangata e le tsela ya ho fihlella sepheo sa yona sa kgaso ka maleme. Mananeo a maleme a mangata ke a kenyeletsang maleme a palo e hodimo ho feta leleme le le leng feela la semmuso.

P: Ke maleme afe a Afrika Borwa a ananelwang leanong a le a qheletsweng thoko ho feta a mang?

XiTsonga, TshiVenda, SiSwati le isiNdebele ke maleme a ananelwang e le ona a qheletsweng thoko ho feta a mang, mme ho na le boikarabelo bo eketsehileng mahetleng a diinstitjushene tse kang SABC ho rarolla qaka ena.

P: Ke dintlha dife tse nkelwang hloohong ha ho nkwa diqeto ka nako e abelwang leleme ka leng thelevisheneng?

Ha e abela leleme ka leng nako, SABC e ela hloko tse latelang ka tsela e tshwanetseng:

- Palo ya batho ba buang leleme la ka lapeng sebakeng sa kgaso sa tjhanele e itseng
- Ka moo puo e nammeng ka teng sebakeng
- Ka moo baahi ba buang leleme le itseng ba utlwisisang maleme a mang ka teng.
- Ka moo leleme le qheletsweng thoko ka teng
- Ka moo le utlwisisang ke Maafrika Borwa a mang ka teng
- Mehlopi e fumanehang.

Tjhebobotjha: Puo

- Na tse ka hodimo (& dipolelwana tse ding) tse leanong di sa tshwanetse, mme ke hokae moo ho lokelang hore ho etswe diphetoho?
- Maikemisetsa a ho rarolla tlhokeho ya tekatekano ya nako e fetileng, ho sa lebalwe hore kabelo eo ya mehlopi e lokela ho ela sena hloko, ha a fete mona: na leano la bohlophisi le lokela ho kenyeletsa maikemisetsa a jwalo, mme ha ho le jwalo, na a lokela ho hlalosa ho bontsha ka moo tlhokeho ena ya tekatekano e ka rarollwang.

- Na SABC e lokela ho nka maemo afe ka ntshetsopeleng le kgolo ya puo? Na ho lokile ho sebedisa puo ya maiketsetso mananeong kapa na SABC e lokela ho sireletsa mofuta o hlwekileng wa puo?
- Na SABC e lokela ho ikgapela ho ba mosireletsi wa puo, ka moo, e etsang hore e lekanye tlhweko ya puo? Ho na le maleme a leshome le motso o le mong (II) a semmuso Afrika Borwa, mme ohle a na le diphapang: ke tsela efe ya ho lekanya le ho fumana hore ke mmuo ofe o hlwekileng?

Leano la Jwale: Dikahare tsa Lehae

P: Ke dibaka dife tse tharo moo dikahare tsa lehae di laelwang ke ICASA?

Kabelo e akaretsang ya dikahare tsa lehae bakeng sa tihanele ka nngwe ya thelevishene. E supa hore phesente e itseng ya nako ya moya pakeng tsa 05:00 le 23:00 e lokela ho abelwa dikahare tsa lehae. Kabelo e akaretsang e fapanya thelevishene ya bohle le ya kgwebo • Kabelo ya mofuta. Kabelo ena e supa hore ha tihanele ya thelevishene sebeletsa mofuta o itseng wa mananeo (jwalo ka terama), phesente ya mofuta oo wa mananeo e lokela ho abelwa dikahare tsa lehae. Mefuta e hlalosewa Molaong wa 3 wa ICASA mme e akaretsa dibaka tsena tse tshetsehang tse latelang: terama, kaho ya tsebo e tlwaelehileng, thuto ya bana, nehelano ya nnete le merero ya jwale. Ho tsohle tsena, phesente ya bonyane e baletswe. Hape kabelo tsena di fapanya thelevishene ya bohle le ya kgwebo • Kabelo tsa tlhahiso tse ikemetseng. Mona ho laelwa hore phesente ya dikahare tsohle tsa lehae tse haswang moyeng e lokela ho abelwa ditlhahiso tsa thelevishene tse ikemetseng. Dikabelo tsena ha di fapanye di tshetsehang tsa bohle ho tsa kgwebo. Dikabelo tsohle di hlalosewa melawaneng e ka shejwang botjha ke ICASA nakong e nngwe le e nngwe ya dilemo tse tharo.

Tjhebobotjha: Dikahare tsa lehae

- Na tse ka hodimo (& dipolelwana tse ding) tse leanong di sa tshwanetse, mme ke hokae moo ho lokelang hore ho etswe diphetofo?
- Eano le qobella SABC hore e ntshetse pele dikahare tsa Maafrika: re sebetsana jwang le seo?
- Na SABC e na le boikarabelo ba dikahare tsa lehae le ha e ka ba bofe, ntle le di tshetsehang tse lefellwang laesense - haeba ho jwalo, na bo lokela

ho bontshwa Leanong la Bohlophisi?

- Pejana tokomaneng ena. taba ya tsamaiso e molemo ya ketane ya boleng ba dikahare bakeng sa ho hasa bohasi bo latelang thomo ya bohle e ile ya hlaliswa jwalo ka taba e hlokanang ho rarollwa - mona e ka ba sebaka se loketseng ho etsa jwalo.

Leano la Jwale: Kgaso ya Sedumedi

P: Na nako ya moya bakeng sa mananeo a sedumedi e qjwa jwang?

Ha e abela dihlopha tsa bodumedi moya, SABC e ikemiseditse ho ikobela makgabane a toka mme e phethahatsa makgabane ana ha e abela sehlopha ka seng nako. Dikabo tsena di etswa nako le nako kamora dilemo tse tharo, kamora ditherisano le Sehlopha sa Kgaso sa Bodumedi (Phanele ya Kgaso ya Sedumedi, RPB), ho elwa hloko ntlha tsena tse latelang:

- Dintlha tsa karolo ya setjhaba sehlopheng ka seng sa bodumedi; ho latela dintlha tsa palo ya setjhaba tsa moraorao tse fumanehang.
- Tlhokeho ya hore e nngwe le e nngwe ya ditumelo tse kgolwanyane e fumantshwe mananeo a kgotsofatsang le a lekaneng a mofuta o tobaneng le tumelo ya bona
- Tlhokeho ya hore ditumelo tsohle di bontshwe mananeong ohle a bodumedi
- Tlhokeho ya hore ho be le mananeo a lekaneng a mofuta o tswakang ditumelo lenaneong le le leng
- Tlhokeho ya ho rarolla tlhokeho ya tekatekano ya nako e fetileng kgasong ya bodumedi.

P: Hobaneng ha leano la mananeo a sedumedi le abela Bodumedi ba Seafrika mamelo e ikgethang?

Kgaso ya sedumedi e lokela ho sebeletsa ho ba e loketseng ho latela maemo, le ho bontsha bonnete ba rona ba Boafrika. Hore ho tle ho be le teko ya tokiso e eketsehileng ya tlhokomoloho ya setso sa Mafrika disebedisweng tsa bohle tsa kgaso, mamelo e ikgethang e nehwa Bodumedi ba Seafrika le setso sa bohloholo.

RTjhebobotjha: Kgaso ya Sedumedi

- Na tse ka hodimo (& dipolelwana tse ding) tse leanong di sa tshwanetse. mme ke hokae moo ho lokelang hore ho etswe diphetoho?
- Leano la bodumedi le beha taolo ya bohlophisi ba mananeo a ho

imamela ka ntle ho SABC. Hape leano le dumella ho thehwa ha Sehlopha sa Kgaso ya Sedumedi, e tla okamelwa ke Boto, e hlalose kabo ya nako ho dihlopha tse fapaneng tsa bodumedi le ho rerisana le dikomiti tsa bodumedi. Bobedi ba tsona ekaka di hanyetsana le hore taolo ya bohlophisi e be ya SABC, mme sena se lokela ho lokiswa.

- Ntsha ya bohlokwa ka ho fetisisa e hlalile mabapi le Kgaso ya Sedumedi e ile ya ba hore kgopolo tse bileng teng mabapi le bohlokwa ba kgaso ho latela dithahasello tsa dihlopha ho loketse na kapa tjhe.

- Na ho hlwaya ditumelo tse kgolwanyane ho sa loketse, mme & diphapang tseo ka nako tse ding di leng kgolo kahara bodumedi, mohlala, eg Shiite & Sunni, Sehloholo & Sepentekoste di tsamaiswa jwang?

- Kgaso tse lefellowang di bontshitswe e le bothata maemong a kgaso ya sedumedi ya ditshebeletso tsa bohle, empa Leano la Bohlophisi le dumella sena - na hona ho tshwanetse?

Leano la Jwale: Thuto

P: Ke diibaka dife tse batsi tse tsheletseng tseo ho tsona SABC e nehelanang ka mananeo a thuto ditshebeletsong tsohle tsa yona?

Ho latela Molao wa Kgaso, SABC e kgethile diibaka tsona tse latelang tsa mananeo a thuto: • Ntshetsopele ya Bana ba Banyane • Bana Lapeng • Thuto e Molaong • Ntshetsopele ya Batjha • Ntshetsopele ya Batho ba Baholo le Bokgoni ba Batho • Thuto ya Bohle

P: Bohlokwa bo nehwang ditlhoko tsa thuto ke bofe?

SABC e netefatsa hore mananeo a thuto a tobana le tlhokeho ya tekatekano phaellong ya tlwaelo ya thuto, haholoholo - le ha e se feela hona - e itshetlehileng ka morabe, bong le bofokodi. SABC e hokela kgaso ya yona ya thuto ho dintlha tsa sehlooho le ditlhoko tsa naha, e tshehetsa phihlelo ya thuto e sebeletsang sephetho, thuto ya nako tsohle bophelong, le papiso ya boiphihlelo ba thuto le ba bophelo.

P: Na leano la mananeo a thuto la SABC le tshepisa thuto e tiwaelehleng kapa ya semmuso kapa bobedi ba tsona?

SABC e tshepisa ho nehelana ka mananeo a thuto a boiqapelo a boleng bo phahameng ditshebeletsong tsa rona tsa radiyo le thelevishene, tseo sepheo sa tsona e leng ho kgotsofatsa ditlhoko tse fapaneng tsa thuto e molaong le e iphumanelwang bakeng sa babohi bohle ba rona, ho kenyeletswa bana, batjha le batho ba baholo.

Tjhebobotjha: Tlhophiso ya Mananeo a Thuto

- Na tse ka hodimo (& dipolelwana tse ding) tse leanong di sa tshwanetse, mme ke hokae moo ho lokelang hore ho etswe diphetofo?
- Thuto ke yona feela karolo ya Leano e sebetsanang haholo le mananeo a bana. Le ha ho le jwalo, mokgwa wa Reithian wa ho thabisa le ho nehelana ka lesedi o tshwanetse le batjha - ka nnete ho tlamehile ho be le leano le amang mananeo a bana.

P: Na nka fumana kae kopi ya Leano la Bohlophisi la jwale?

Ho fumana kopi ya Lean la Bohlophisi la jwale, o kopuwa ho etela ho www.sabc.co.za/editorialpolicy

P: Nka fumana jwang lesedi le eketsehileng ka tjhebobotjha ya Leano la Bohlophisi?

Ho fumana dintlha tse eketsehileng imeila ho editorial@sabc.co.za kapa o letsetse (011) 714 9111

P: Nka romela kae maikutlo aka mabapi Leano la Bohlophisi?

O ka romela maikutlo a hao ka mekgwa ena e latelang:

Imeile: editorial@sabc.co.za

Poso: Leano la Bohlophisi (Editorial Policies)

Private Bag X1

Auckland Park

2006

